

Vitæ D. N. Iesv Christi Monotessaron Evangelicum

Heser, Georg

Monachii, 1657

189. Parabola trigesima, De invitatis ad nuptias filij à Rege.

Nutzungsbedingungen

[urn:nbn:de:hbz:466:1-56533](#)

D. N. IESV CHRISTI. 173

factum est istud : & est mirabile in oculis nostris ? Matth. 21. v. 42. Marc. 12. v. 10. 11. Luc. 20. v. 17.

II. Ideo dico vobis , quia auferetur à vobis regnum Dei , & dabitur genti facienti fructus ejus. Matth. 21. v. 43. Omnis , qui ceciderit super illum lapidem , conquassabitur : super quem autem ceciderit , comminuet illum. Luc. 20. v. 18. Matth. 21. v. 44.

III. Et cum audissent principes sacerdotum & Pharisei parabolas ejus , cognoverunt , quod de ipsis diceret. Matth. 21. v. 45. Et quærebant eum tenere : & timuerunt turbam. Marc. 12. v. 12. Quærebant principes sacerdotum , & Scribæ , mittere in illum manus illâ horâ : & timuerunt populum : Luc. 20. v. 19. quoniam sicut prophetam eum habebant. Matth. 21. v. 46. Et relieto eo abierunt. Marc. 12. v. 12.

MEDITATIO CLXXXIX.

Parabola XXX. De invitatis ad nuptias filij à Rege.

I. Simile factum est regnum cælorum homini regi , qui fecit nuptias filio suo. Et misit servos suos vocare invitatos ad nuptias , & nolebant venire. Matth. 22. Vers. 2. & 3.

II. Iterum misit alios servos, dicens: Dicite invitatis: Ecce prandium meum paravi: tauri mei & altilia occisa sunt, & omnia parata: venite ad nuptias. Illi autem neglexerunt: & abierunt, alias in villam suam: alias verò ad negotiationem suam. Reliqui verò tenuerunt servos ejus, & contumelijs affectos occiderunt. *Matth. 22. Vers. 4. 5. 6.*

III. Rex autem cum audisset, iratus est: & missis exercitibus suis, perdidit homicidas illos, & civitatem illorum succedit. *Matth. 22. V. 7.*

MEDITATIO CXC.

*Invitantur obvij quique ad nuptias:
discumbens sine veste nuptiali,
ejectur.*

I. **T**unc ait servis suis: Nuptiæ quidem paratæ sunt; sed qui invitati erant, non fuerunt digni. Ite ergo ad exitus viarum: & quoscumque inveneritis, vocate ad nuptias. *Matth. 22. V. 8. & 9.*

II. Et egressi servi ejus in vias, congregarunt omnes, quos invenerunt, malos & bonos: & impletæ sunt nuptiæ discubentium. *Matth. 22. V. 10.*

III. Intravit autem rex, ut videret di-

scum-